

山西通志卷二百二十四

山西巡撫都察院右副都御史臣覺羅石麟奏

日修輯

藝文四十

詩四

七律下

金

遊龍山

章宗

嶮嵯雲影幾千重
高出塵寰迥不同
金色界中兜率境
碧蓮花裏梵王宮
鶴驚秋露三更月
虎嘯疎林萬壑風
試拂花箋爲覓句
詩成自適任非功

悲長平

蕭貢

秦兵伏甲武安西
趙將非材戰士攜
千里陣雲沈曉日
萬家

屋瓦震秋輦哀纏朽骨天應泣怨入空山鳥不棲百戰區區
竟何得阿房煙草亦淒迷

登縣山上方

周昂

環合青峰插劒長小平如掌寄禪房危闌半出雲霄上祕景
盡收天地藏野闊羣山驚破碎雲低滄海認微茫九華籍甚
因人顯迥秀可憐天一方

代州書事

趙秉文

金波曾醉鴈門州端有人間六月秋萬古山河雄朔部四時
風月入南樓漢家戰伐雲千里唐季英雄土一邱繫馬朱欄
重回首烟波誰在釣魚舟

淮陰侯廟

地險山危氣勢雄將軍從此建奇功興劉業就人何在破楚

名存事已空故壘帶烟餘殺氣荒祠向晚動悲風功名蓋世
今如此讀罷殘碑思不窮

登六賢堂

楊雲翼

榆關城構倚長天寂寂虛堂像六賢行善旣皆傳故里功名
何異寫凌烟子孫繼業誰知在桑梓牽情我自憐無限雲山
遮遠日登臨時遣興悠然

游河西孫氏園

毛麾

亭榭依山水亂鳴已如鼙畫障中行照溪芳樹紅雲合迎客
幽禽翠羽輕毫氣未饒金谷友醉魂如到錦官城猶戀歸騎
忽忽去不得持杯待月明

題嶧縣郝子玉此君軒

毛端卿

桂林名姓一枝新萬竹青青德有鄰渭上風烟分別派山陽

山西通志 卷三十四 二
詩酒屬閒人心期已到冰霜窟
不知花柳塵萱背從今
看輝映嫩香新粉四時春

薄遊同郝漕子玉賦

元德明

全晉山河百戰場登臨歷歷見興亡
夷居狁雜尤堪歎霸氣
沈雄亦未量石龕烟霞詩秀潤
貽祠風月酒淋浪書生不是
功名具慙媿山翁問葛強

太原古城惠明寺墦秋望

西山萬古壯陪京一日汾流入廢城
浩浩市聲爭曉集
咿咿原隰但秋畊晉公老去詩仍在
越石亡來恨未平
千尺浮圖莫烟底瓦盆濁酒爲誰傾

寒食遊福田寺

春山寂寂掩禪扉
復嶺盤盤入翠微
布襪青鞋供勝踐
粥魚

齋鼓薦元機
日烘幽徑綠
烟煖風定曉
枝紅雨稀曾
是西堂讀書
客不應啼鳥
也催歸

玉屏山

李純甫

包裹青山已十年
聰明更覺不如前
簿書叢裡先抽手
風月場中少息肩
瓶底剩儲元亮粟
杖頭高掛老坡錢
會須看我屏山下
了盡生平不問天

真味堂

問渠真味若爲言
不著鹽梅也自全
鼃鼎大夫徒染指
麴車公子漫流涎
胸中已有五千卷
嶽外更聽三兩絃
此老清饒何所嗜
宦名嚼蠟已多年

天游齋

丈人未始出吾宗
草靡波流盡太沖
七竅鑿開無混沌
六根

消落盡圓通法身兔角聲聞外塵事牛毛夢幻中誰會天游
更端的瘦梅疎竹一窻風

瓢庵

書生只合飽黃齏大嚼屠門計似癡壁上七絃元自雅囊中
五字更須奇橫陳已覺如嚼蠟皆醉何妨獨啜醺此味欲談
舌本强如人飲水只渠知

送妹夫之太原

邊元鼎

山含秋氣冷參差送客西城落日低怨別弟兄歸快快戀鄉
車馬去遲遲浮萍聚散元無定流水東西却有期惆悵黃榆
故山路碧天回首鴈南飛

留仲澤

鄺權

朝衫酒濕紫宸霞暫輟旌旗使華馳馬彎弓真將種載書

囊筆自名家江湖萬里春回鴈燕趙千林月滿花明日
便霄壤更留玉樹倚蒹葭

題晉卿王暉寶繪堂

完顏璫

顧陸張吳寶繪堂風花雪月保寧坊錦囊玉軸三千幅翠袖
金釵十二行數筆丹青叅季范一時遷謫爲蘇黃太原珍玩
名天下舊跡猶憑古印章

游太寧寺

王璫

西山踏破萬層青與客携壺上太寧泉石有情容避俗軒裳
無術可逃形雲縈屋角僧禪靜露下松梢鶴夢醒明日却尋
塵境去曉猿啼月若爲聽

年節嵐州席上贈同知王子直中散

朱自牧

別時風雪暗龍津一夢經年復見君去國光陰雖易得夾河

形勢且平分心如征馬常嘶代身伴秋鴻却渡汾此日一尊
難惜醉新年風景舊知聞

過渾源留別田仲祥同知節使

金臺前夢杳無蹤一阻雲山莫計重雙鯉附書常不達兩萍
浮海偶相逢燕南落日車分轍代北春風酒滿鍾明日去留
牽世務燈前談笑且從容

哀隆德守臣張確確浮休張舜民之弟嘗爲烏延帥幕
獨不廷謁童貫作詩弔之

滕茂實

睢陽萬古一張巡忠義傳家有世臣顏子服膺當入室潘郎
望拜肯同塵圍城已陷天猶晦仗劍臨危氣益振餘子鄰邦
盡曹李偷生端作九泉人

碧鮮堂

趙大端

寒陰鑱碎暗僧軒
玉立森森翠滿前
墜露修梢凝曉色
春筍綺文鮮雅宜
冷映梅溪月尤稱
香浮茗竈煙清夜
沈沈正成寐恍疑
飛夢繞淇川

遊方山

王雷

車輪馬足徧人間
豈意窮荒逢北山
便欲棲遲成地隱
始知空濶破天慳
松聲萬壑秋風急
石徑千盤暮雨斑
爲報草堂真碧眼
莫教辜負箇中閑

懸泉

袁從乂

翠巖高列勢摩天
巖上轟雷瀉玉泉
絕壁飛來渾是雨
長風捲去忽成烟
圍茅小隱初經眼
跨鶴先儒已著鞭
吟罷徜徉眠月窟
夢回猶聽鼓鼙聲

元氏桂軒爲敏之賦

王萬鍾

簾捲堂前桂子涼一軒燈火夜初長月中春好元無價天上
風來別有香棠棣一家同映秀詞林百世繼餘芳閒花野草
空無數掩盡人間獨擅場

題滕奉使祠

姚孝錫

本期蘇鄭共揚鑣不意芝蘭失後凋遺老祇今猶涕洟後生
無復識風標西陲鴈度霜前塞淖水樵爭日莫橋追想生平
英偉魄凌雲一笑豈能招

太原

元好問

夢裏鄉關春復秋眼明今得見并州古來全晉非無策亂後
清汾空自流南渡衣冠幾人在西山薇蕨此生休十年弄筆
文昌府爭信中朝有楚囚

龍興寺閣

全趙堂堂入望寬九層飛
觀儘高寒空闌赤幟疑軍壘
見金人泣露盤桑海幾經塵
劫壞江山獨恨酒腸乾詩家總道
登臨好試就遺臺老樹看

李長源

冀都事死東州禍李翰林
亡陝府兵方爲騷人箋楚些更禁
書客墮秦坑石苞本不容
孫楚黃祖安能貸禰衡同甲四人
三橫貫此身雖在亦堪驚

王仲澤

太學聲華弱冠馳青雲岐
路九霄飛上前論事龍顏喜幕下
籌邊犬吠稀壯志相如頭
碎柱赤心嵇紹血沾衣從來聖牖
褒忠義誰爲幽魂一發揮

晉溪

石磴雲松著色屏岸花汀草展江亭青瑤疊楚通懸甕白玉
雙龍掣迅霆地脉何嘗間今昔尾間真解泄滄溟乾坤一雨
風塵了好就川源問乞靈

寄劉繼元

清霜茅屋耿無眠坐憶分攜一慨然楚客登臨動歸興謝公
哀樂感中年淒涼古驛人烟外迤邐荒山雪意邊千樹春風
水楊柳待君同繫晉溪船

石嶺關書所見

軋軋輶車轉石槽故關猶復戍弓刀連營突騎紅塵暗微服
行人細路高已化蟲沙休自嘆厭逢虎豹欲安逃青雲玉立
三千丈元只東山意氣豪

過鴈門關

四海於今正一家生民何處不桑麻重關獨據千尋嶺深夏
猶飛六出花雲暗白楊連馬邑天低青塚渺龍沙憑高吊古
情無盡空對西風數去鴉

過應州

平野風埃接戍樓邊城三月似窮秋人家土屋纔容膝驛路
旂車不斷頭隨俗未甘膏馬漣敵寒直欲御羊裘十年紫禁
烟花繞此日雲山是應州

羊腸坂

浩蕩雲山直北看凌風羸馬不勝鞍老來行路先愁遠貧裏
辭家更覺難衣上風沙歎顛顚夢中燈火憶團圓憑誰爲報
東州信今在羊腸百八盤

赤石谷

林罅陰崖霧杳冥石根寒溜玉玎玲雲來朔漠疑秋早山近
清涼覺地靈靜愛鳥聲存野調閑嫌人跡帶塵腥南臺說有
金銀氣可是并汾處
三星

雪中過石嶺關

老天黯慘入平蕪朔吹崩奔萬竅呼雪意旋粧行路景詩家
新有入關圖地爐圍坐慚田父絮帽衝寒怨僕夫故國烟花
重迴首蜀橙山麝記金壺

秋夜

九死餘生氣息存蕭條門巷似荒邨春雷謾說驚坯戶皎日
何曾入覆盆濟水有情添別淚吳雲無夢寄歸魂百年世事
兼身事尊酒何人與細論

家南寺

鬱鬱楸梧動晚烟一庭風露覺秋偏
眼中高舉移深
殘陽更似蟬去國衣冠有今日外家梨
栗記當年
人間徧依舊僧窗借榻眠

感興

夜宿讀書山作

倚梯從昔望烟霄七葉何人竟珥貂
道路常教車歷鹿功名
唯有鬢飄蕭勤如韓子初
月色以馬
公豈見招五十二年
等閑裏一窗風葉雨瀟瀟

橫山寺

浮屠百尺聳亭亭落日鴉啼野蔓青
故國盡消龍虎氣橫山
猶帶鳳凰形金根輦路迎禪駕玉樹歌
臺語梵林惟有淖沱
河上月年年隨雁過寒汀

聖阜危樓

聖母留殘此混融一堆寒碧現神功
巨鰲笑出海波沸靈鷲飛來天竺空
文石異時傳勝槩危亭何日架晴虹
搏扶九萬非吾事且放雲山入座中

神山古剎

平地孤峰屹一拳伊誰建寺在危巔
金身入夢基初立白馬駝經剎始安
碑斷猶存蝌蚪字樑空不辯漢唐年
山前借問緇衣老屈指桑田幾變遷

棠棣堂

周元帥
獻臣宅

千古吳中富貴家秋風吹送洛陽花
貞妃鏡裏春先老玉女車邊日易斜
紀瑞定誰增舊譜換根原有舊靈砂
來遲不西堂晏猶想分香入棣華

餘慶堂

亦元帥宅

五年霜戟照康莊，萬里春風擁畫梁。
已覺并汾增勝氣，更從王郝借餘光。
靈椿丹桂知難老，玉爵金符豈易量。
剩着賸毫授辭客，南堂兼是棣華堂。

野谷道中懷昭禪師

行行汾沁欲分疆，漸喜人聲挾兩鄉。
野谷青山空自繞，金城白堦已相望。
湯翻豆餅銀絲滑，油點茶心雪蕊香。
說向阿師應被笑，人生處果難忘。

寄欽止李兄

征車南北轉秋蓬，關塞相望兩禿翁。
衰衰便當隨世路，悠悠難復倚天公。
銅駝荊棘千年後，金馬衣冠一夢中。
樽酒雲州古城下，幾時攜手笑春風。

壽聖院古柏詩

普信